



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Onvs Ecclesiae. In hoc libro ... admiranda quædam ac
planè obstupenda, de septem ec-
clesiæ statibus,
abusibus quoq[ue] grauissimis, & futuris eiusdem
calamitatibus ex sanctor[um] pro-
phetijs & ...**

Pürstinger, Berthold

Coloniæ, 1531

VD16 ZV 12498

Pio Ac Stvdioso Lectori Salvtem.

urn:nbn:de:hbz:466:1-29969

IN noua fert animus, lector Christiane, mutatas ostēdere formas, hoc est, quomodo au-
rum sit mutatum in scoriā, & quantum distent æra lupinis, enarrare. Dedit enim deus
palām facere prophetis suis, tam in veteri q̄ nouo testamento, quæ oportet fieri cito, &
quæ futuris sunt ventura temporibus. Verum quum hæc omnia in subsequētibz pri-
mis aliquot capitulis satis copiose declarantur, non est hic verbis multis opus. Vera etenim
sapientia est & scientiarū omnīū sciētia, declinare vitia & amplexari virtutes. Quū igitur
subsequēs opus, per vnū (nescio quem) doctissimū tamen atq; optimū veritatis professorē sit
collectū, fortuito casu in manus meas deuenisset, illud legi atq; relegi, & post q̄ placuit, ad bō
noꝝ omnium salutē imprimi feci. Nam ad recte beateq; viuendū nihil accommodatius (vt
statim dixi) reperiri potest, q̄ ea noscere, quibus virtutes animus amplexatur, ac vitia decli-
nat, quæ nimirum liber hic noster luculentissime enodat atq; absoluit. Eapropter author iste
ignotus (quāuis superstes adhuc & verus dei cultor) fertili ac florigero sacre scripturæ agro
perlustrato, lurium proinde & diuersorū scribētū solidissimis sentētijs trutinatis, & in vnū
coacervatis, nō in scyrpo nodū quærere, sed legentiū vtilitati consulere volēs, hoc idē opus
ædidit, ac Onus Ecclesiæ non inconsulto nuncupauit. Onus ecclesiæ, imō totius mundi, non
(vt apud Euāgelicum illum vatem Esaiam in multis sui vaticiniū capitibus) onus Babylonis,
onus Moab, onus Damasci, onus Aegypti, onus deserti maris, onus Duma, onus in Arabia,
onus vallis visionis, onus Tyri, onus iuramentorum Austri, sed Onus Ecclesiæ, sub gloriosissi-
mo Austriæ archigenarcha Carolo Romanorū Augusto (quo futurū, ac prope instātē deso-
lata ecclesiæ calamitate nemo ignoraret) Christigenis patefecit. ¶ Accipe ergo candidissi-
me lector hoc opus in multipharios vitæ Christianæ, pariter & omnium statuum Christo-
larum abusus æditū, orthodoxæ ecclesiæ, adeo vtile, vt ausim asseuerare, nihil emeruisse dese-
stibilitatis humano generi aut posse nouiter emergere, quod mediisfidius non possit ex his
quæ in eo continentur (si profunde perscrutentur) explodi omnino & labefactari. Sunt enī
congesta in eo sacre scripturæ efficacissima testimonia, quibus veluti armis expeditissimis
pro vitæ Christianæ instauratione, simul & componendis moribus vti possis. Hunc itaq; li-
brum tam salubrem, in .70. capitula instar .70. palmarum in deserto Helim, & D. CCC.
LXXXIII. §. ad similitudinem ramorum distinctum, cum multorum (vt sic dicam) quoto-
rum annotatione & remissionum cumulo copioso, quibus author instar horti iucundissimi
æditionem hanc exornauit, ac veluti solidissimis basibus fortificauit, tibi trado, ð lector Chri-
stiane, nec quippiā de meis insertum scias, paucis aliquot demptis signaturis in māgine p me
adauctis, quibus diuersæ in hoc opere sacratissimo contentæ sententiæ, latius alibi visendæ
extenduntur. ¶ Cæterū non te moueat lector, authorem ipsum suum nomen obticuisse, quia
quum omnes, hoc est, tam laicos q̄ ecclesiasticos redarguat, & nemini, cuiuscunq; etiam sta-
tus sit aut conditionis, parcat, veritus fortassis est, sese apud reos (nemo enim se vltro in pe-
riculum præcipitare debet) modicam gratiam habiturum. Quia vt est apud Therenitiū: Veri-
tas odium parit. Et quid (obsecro) tibi proderit authoris nomen, quum nihil ex se loqua-
tur, sed omnia scripturis probet? Vide ergo quid hic dicatur & non quis dicat. Oportet enim
non modo temporum, verum etiam rerum atq; hominum habere rationem. Postremo au-
tem hoc vnū te admonitū velim, vix ab vllō mortalium, q̄libet etiam erudito facile perpēdi
posse, quanta sit huius libri vtilitas, nisi attentiori illum cura quispiam legerit ac relegerit. Ve-
ritas enim ipsa (quæ iusto semper triumphat iudice) ð cœlo eundem in terras deiecisit hoc
tempore videtur, vt malis abusibus procul ab ecclesia dei & à tota republica Christia-
na, sapienter, moderatē ac pie reiectis, feliciter hæc eadem ac bene, hoc est in vero dei amo-
re & charitate proximi non ficta à superioribus nostris gubernetur. Vale lector Christia-
ne. Anno domini M. D. XXXI.

Synthesi
scripsit

Author huius libri est
post Gelnerio in Bi-
bliotheca h. a. 1655 q̄
scilicet Chomensis
Suffraganeus Sal-
uandus.